

AANSOEBEPALINGS EN -VOORWAARDES VIR VOORGRAADSE AANSOEKE 2023

1. JOU AANSOEK IS JOU VERANTWOORDELIKHEID

Dit is jou verantwoordelikhied om seker te maak dat jy jou aansoek betyds en korrek voltooi. Maak seker dat jy:

- vertrou is met die Universiteit se Toelatingsbeleid, program-spesifieke toelatingsvereistes en die fakulteite se keuringsriglyne;
- al die inligting en ondersteunende dokumente voor die sluitingsdatum, 31 Julie, verskaf;
- aansoek doen vir die programme waar jy aan die program-spesifieke toelatingsvereistes voldoen. Sommige programme het keuringsvereistes wat vir meer as die program-spesifieke minimum toelatingsvereistes vra, en waar die aansoeke uiters meedingend is. Ons kan nie waarborg dat jy tot daardie programme toegelaat sal word nie – selfs al voldoen jy aan al die vereistes.

Hier is die [riglyne oor hoe en wanneer om vir 'n program en vir verblyf aansoek te doen](#). Onthou, ons kan die inligting in die riglyne enige tyd aanpas. Kry die nuutse inligting by www.maties.com of kontak ons Kontak- en kliëntediens by 021 808 9111 of info@sun.ac.za.

Belangrik

Ons oorweeg slegs aansoeke wat ons teen die sluitingsdatum bereik het. Jy kan ons nie verantwoordelik hou as ons jou aansoek nie oorweeg nie omdat dit onvolledig is (bv. as jy nie al die vereiste dokumente ingedien het nie), verkeerd ingevul is, of nie voor die sluitingsdatum ingedien of gekorrigeer is nie.

2. JY MOET JOU AANSOEK BETYDS VOLTOOI

Ons moet jou aansoek, alle ondersteunende dokumente, en enige verdere inligting wat ons mag aanvra, voor 31 Julie ontvang. Die Universiteit sal geen aansoeke wat op 31 Julie onvolledig is, of wat na 31 Julie ingedien word, oorweeg nie.

3. KORREKTE INLIGTING IS BELANGRIK

Maak seker dat al die inligting wat jy verskaf korrek en volledig is. As die inligting nie korrek of volledig is nie:

- kan ons jou aansoek van die hand wys; of
- mag jou aansoek onvolledig wees en kan jy die sluitingsdatum mis as jy nie die inligting betyds korrigeer nie.

Ons mag die inligting wat jy verskaf met derde partye of ander universiteite verifieer. Indien ons teenstrydige inligting ontvang sal ons vir jou vra omdat op te klaar. Dit mag jou aansoek vertraag en dit is moontlik dat jy die sluitingsdatum mis. Indien jy nie die teenstrydigheid voldoende opgeklar het nie, mag ons jou aansoek van die hand wys.

Ons mag jou ook vra om die oorspronklike dokumente of verdere ondersteunendedokumente te verskaf.

4. NIKS IS GEWAARBORG NIE

Selfs al dien jy 'n aansoek in wat korrek voltooi is en al voldoen jy aan die minimumaansoekvereistes, is jou toelating nie gewaarborg nie.

5. KOMMUNIKASIE TYDENS DIE AANSOEKPROSES

Ons sal die e-posadres en telefoonnommer wat jy verskaf het gebruik om met jou oor jou aansoek te kommunikeer. Die e-posse sal ook op die Aansoekportaal beskikbaar wees.

Wees op die uitkyk vir die volgende boodskappe:

- Bevestiging dat ons jou aansoek ontvang het
- Versoeke vir verdere inligting
- Versoeke vir verdere dokumente indien dit wat jy verskaf het foutief, onvolledig, of onleesbaar was
- Jou voorwaardelike aanbod of aanbiedinge
- Jou finale aanbod of aanbiedinge

Belangrik

Ons is nie daarvoor verantwoordelik indien jy nie hierdie boodskappe ontvang het nie weens jou foutiewe of verouderde kontakbesonderhede nie, of indien jy die besonderhede van 'n ander kontakpersoon (bv. 'n ouer) verskaf het en hulle nie die boodskap aan jou oordra nie.

Jy kan jou aansoekstatus aanlyn volg deur op die Aansoekportaal aan te teken. Al hierdie boodskappe sal ook daar wees.

6. AS ONS 'N AANBOD AAN JOU MAAK

As jy met jou graad 11-uitslae aansoek doen, kan ons 'n voorwaardelike aanbod of aanbiedinge aan jou maak. Jy moet een van hierdie aanbiedinge teen afsnydatum wat aan jou gekommunikeer sal word. Op grond van jou graad12-uitslae (gewoonlik beskikbaar in Januarie), en die fakulteitspesifieke keuringsriglyne, sal ons 'n finale aanbod aan jou maak. Jy sal drie dae hê om die finale aanbod te aanvaar.

Indien jy reeds skool voltooi het en met jou graad 12-uitslae aansoek doen sal jy oorweeg word vir 'n finale aanbod (of aanbiedinge). Jy moet een van daardie aanbiedinge aanvaar voor die sperdatum wat in die aanbod aangedui word. Enige aanbiedinge wat jy nie teen die sperdatum aanvaar nie, sal verval.

7. JOU PERSOONLIKE INLIGTING

Die Universiteit sal die persoonlike inligting wat jy tydens die aansoekproses verskaf het gebruik om:

- jou aansoek te oorweeg;
- met jou te kommunikeer by die kontakbesonderhede wat jy verskaf het;
- 'n aanbod aan jou te maak as jy gekeur word; en
- 'n studentekontrak met jou te sluit as jy 'n aanbod aanvaar.

Ons sal slegs inligting wat op jou aansoek betrekking het aan ander persone of organisasies openbaar as:

- dit nodig is om jou aansoek te oorweeg;
- jy hulle kontakbesonderhede in die aansoek verskaf het (bv. as jy die kontakbesonderhede van 'n ouer verskaf het);
- hulle die universiteit kontak en namens jou navraag doen met betrekking tot jou aansoek (bv. as 'n ouer die Kontak- en kliëntediens kontak);
- ons wetlik vereis word om die persoonlike inligting aan hulle te verskaf; of
- as jy ons toestemming gegee het om die persoonlike inligting bekend te maak.

Indien jy meer wil weet oor privaatheid by die Universiteit gaan na

<http://www.sun.ac.za/privaatheid>.

8. VOLG DIE UNIVERSITEIT SE REËLS

Indien jy 'n aanbod ontvang en/of aanvaar, moet die beleide, reëls, en regulasies (die “reëls”) van die Universiteit, die fakulteit waar jy toegelaat is, en jou Universiteitsverblyf, nakom soos dit van tyd tot tyd verander. Hierdie reëls word in die Jaarboek en op die webblad gepubliseer. As die “Voorgraadse aansoekvoorwaardes- en bepalinge” teenstrydig is met die reëls, dan is die reëls van toepassing

9. WAT GEBEUR VOLGENDE

Wees op die uitkyk vir ons e-posse en teksboodskappe – ons sal jou deur die proses lei. Indien jy een van die aanbiedinge aanvaar, sal ons jou vra om die studentekontrak te teken en op te laai voor jy registreer.

Jou ouer(s) of voog(de) sal ook gevra word om as borge vir jou studenterekening te teken. Maak seker dat jy en jou ouer(s) of voog(de) bewus is van die [studentegelde](#).

Lees gerus die studentekontrak en borgstelling [hier](#).